

安南志

卷之九

七



安南志畧序

南粵之記尚矣自遷固所載靡得而詳焉豈非以
中州之士而志粵者歟黎侯景高以其國儒先種
學績文而無所用世撰安南志釐為貳拾卷其譜
系官爵之沿革山川郡邑之先後禮樂刑政之原
兵農財食之計行李之使出入年月詞人詠士朝
辦藻品一覽而盡得之由其知之也習故其言之
也詳其有裨於遷固之遺逸多矣至元二十四載
余從鎮南王以王命討粵人不庭頗習其事今黎
侯之言信而有徵異時列之史館將不在遷固下
若其所存則又非簡策之所能既余嘗嘉之故

為之引榮祿大夫平章政事商議中書省事條山
白雲老人察罕序

迺者將指江漢頗聞陳王戲下有文之雅士今觀
此志殆非虛傳漢交州七郡歲舉孝廉與中州齒
以黎君之材擢而用之未必後於他人顧獨以筆
墨自娛於山湖間豈其職哉然余徒能言之尚庶
幾見大德丁未良月朔廣平程鉅夫書

我職方氏掌天下圖籍而交趾日南九真三郡亦
已備矣然沿革不同風土或異是又必其土人之
博物者能詳焉奉議大夫僉歸化路宣撫司事黎
崩安南儒士也往年王師伐罪安南安南族子彰

憲侯圖存國中率三萬人求降而黎君在焉俄而彰憲為我戰沒黎君得至朝廷遂為我臣每哀彰憲之志不伸而名亦隳泯常懷報國之願乃撰安南志二十卷可謂詳矣其區區之志固可慨矣雖然足書也豈徒得其沿革風土之詳而已有志於功者盍取訂之翰林侍講學士中奉大夫知制誥同修國史魏郡元明善序

黎君崩廣記博覽袖安南志畧來天北立言叙事信而有徵縉紳大夫交誦之葵心摠忠筆力紀異備嘗艱險聚在編摩子長山川之史所不及樂史寰宇之書所不載九州之外于斯畧見之所志所

學是亦知天命之幾得情性之正者非止于言語
文字而已斯文行乎中國則中國之人亦中國之
黎君得為天下之善士矣于職方氏缺典豈小補
哉皇慶初元正月既望集賢待制奉直大夫趙秋
書于澄清里所居玲瓏舍

欽惟

聖朝天開萬年之運地大一統之勢薄海內外罔
不朝貢至元年間世祖在御詔宰臣召秘書少監
虞應龍著作郎趙炅以方職所上版圖纂為一統
志如交趾遠在越南恐未詳盡大德十一年今上
嗣登寶位太子奉制東宮安南國王遣使臣馳驛

奉表箋稱賀會同館正在翰林院之右安運州同知黎奉事訪余于玉堂之署出示安南志畧觀其上下古今參考史傳國土之源流封爵之沿革山川風俗人物官職使介往來朝覲賜賚纖細備載噫用心亦云至矣然其驅馳王事者三十年忠孝之念節義之氣有如一日龍節虎符何官之不可為方且冲澹自將不以利祿動寓居于漢陽近聖廟鄰太白祠杜門著書細牖肅容傍水種竹鋤煙植梅挹郎湖之清漪大別之晴樹吟風弄月消遣世慮于江山之外熒嶠羈愁略無半點胃次所存直期無異于馬伏波陶太尉之意度焉是則可尚

已宜四牡禮樂之有光華也及陞辭而歸因語之
曰此書再加繕輯行當言之史館白之廟堂詔取
付之于祕府以補一統典策之缺以備一覽輿圖
之盛顧不偉歟大德丁未秋九月重陽翰林修撰
文林郎同知制誥兼國史院編修官湖南劉必大
拜手書

南交自唐時已通中國其名著于堯典至秦漢隋
唐而益盛獨其事散在諸史鮮能會歸于一前後
名將刺史都督之官其地者無慮數十百人如馬
援士燮陶侃褚遂良之徒尤表表著見其他放臣
逐客多中朝名士若姜公輔則又產于粵而仕于

唐者高科異等卓為一代諸賢稱首是可獨無傳
武國家混開以來薄海內外罔不來享至元二十
一年王師南下彰憲率先順義昭國王盡其屬來
歸大賚有差東山黎侯乃取其山川風土古今人
物遷革與近年軍旅出入之數編為一書仍譜叙
其家世使覽之者竒聞異見如在几席其有補于
班孟堅之遺逸多矣至若彰憲歸順黎侯崩實贊
之又有垂世之竹帛在余何贅大德十一年霜降
後三日永嘉許善勝書于鶴磯舟中

安南志畧序

士為學當絡籠宇宙天之所覆宜皆知之而或窒

于通蔽于遐遠開則見聞有弗深攷窮壤之外淪
混之墟尚可知乎淵明覽周王傳山海圖以自適
其胷中高世之致可念見已章亥之所步余無得
而究焉其得而究則士名者可不知乎安南見虞
書漢唐來職方氏氏物物也宋未平納欵于戎列
聖 昭示王者無外而已非有所利之也然其山
川郡邑之所宜風俗之所尚物產之所宜雖職方
氏有不得而詳焉載籍可見非習其土固克傳信
會而定之博洽之士病焉東山黎景高其國人也
習其事者宜莫景高若也入中國伍十年來 載
籍參以所習為安南志畧二十卷至順初朝廷有

制作上之于是景高之書與其名不朽矣好事將
板之士乞余序之夫自成周九譯入貢二千五百
年中雖叛服不常中國德化遠邇之所致爾元之
興不招而來厥後自啟邊釁我則威之其來格也
我則懷之此我元待安南之太較也至于六師遣
使之旨詔諭錫賚之恩與其臣屬始末之情狀是
書一出概可考焉景高在其國佐彰德憲陳侯鍵
幕乙酉內附其國邀擊之彰憲戰沒景高抱其屍
馳出瘞之丘溫懼夫忠義湮沒也故紀尤致意焉
其氣義又可知也然則是書之出不獨知異域之
詳又以見人心天理之同者固不間于遐邇也其

有補于風化者乎至元五年歲次己卯十月望
通奉大夫前中書叅知政事知經筵事安陽許有
壬序

書志之于國重矣書巖禹貢禮詳職方鄮侯之入
關也收秦圖書為首事則其為書重矣班范以來
史筆橫驚天壤者幾家而記志之疎讀者常病焉
則是編之作亦難矣哉夫重且難若是非能博洽
饒見聞與常身履足蹈狎其山川人物風氣沿革
之故其誰宜為天朝迅掃九區子來四裔于是安
南黎侯崩從其國大人朝京師他日與其土國議
與其合為官江表侯冲退薄聲利嗜文章問學如

饑渴輯其舊聞徵之載籍爲安南志畧二十卷侯
之用心勤矣余所語博洽饒見聞又身履足蹈者
侯當之矣抑余上下二伏波陳跡而見博德之征
開交趾日南等郡爲千古駿功文淵之行也護焉
限之銅柱之表何先漢之勇後漢之怯也帝王待
要荒自有體耳嗚呼侯之志盡矣去之千載得無
毋有超然象山瀘水之念者乎其爲我大書劉安
諫閩粵賈捐之棄珠崖二書并以子諱談附其末
云延祐五年戊午夏六月陝西省儒學副提舉廬
陵老人龍仁夫序

六合之外存而不論可也六合之內論而不議可

乎安南自義和南交言之皆在帝天光宅之下自漢唐南越言乃如在禹貢九州之外是斯錄謹成父朝野見聞載陳氏之興又皆乖異不同往往自丁氏割據而后輜軒筆路往來不絕或匿壯士牛馬而示弱或耀兵以示強於是身履目擊者每差片辭而繆千里未嘗不論論不可信未嘗不議議愈可疑東山景高為安南學者巨擘踰弱冠隨所事來王得諸其京國江湖者既足以潤澤其見聞得讀人間之所未見之書又足以彰施其文字之色彩此其為書不特吾徒信之雖百世以俟安南學者無惑也楚左史倚相能讀三墳五典八索

九丘使吾夫子讚而不黜述而不除則傳疑至今
者何限若夫晉之乘楚之檮杌皆足為麟筆褒貶
之助又曷為而有取乎檮乘也出于楚晉為檮乘
者皆董狐倚相其人故也景高非安南之倚相乎
使吾得備位史館當取而備職方乘之一惜余老
矣能言而已至治壬戌秋重陽甘肅省儒學副提
舉高宋氏堂序

天曆中玄象奎章學士同被命纂修經世大典書
成將進大學士何榮以古愛黎削所撰安南志來
上詔付書局乃作安南附錄一卷適江漢黎君以
是書志謁玄序玄竊有感夫聖元至仁如天一視

遐通使南交君臣餽廩中土數十年無秋毫羈旅
之態遂得優游閑暇肆筆辭章既能圖上本國地
形以及風宜土產人物之詳且于使介往還所得
文字悉著于編何非帝德涵育之深聲教漸被之
大何自而臻是歟昔孔子刪詩存式微于衛此雖
以見寓公無聊之情然當時無能芘賴之者於此
可攷矣夫以是推之安南是志方今文學之士亦
宜表章于宋世我國家柔遠之德包舉六合垂示
萬世者不在茲乎黎君號東山讀書好古與齒俱
宿他詩可傳者甚富云翰林侍講學士歐陽玄序
王師南征之日道出吾宜春予見時得於目擊既

而討叛柔恩威兼著又聞天朝遣使下勞則吾郡
前別駕鄱陽西山李公思衍也外國饋賂一無所
受賦詩云帝王仁厚澤天地發生心其國君臣動
色相慶以為國家用賢得人欣然遣使臣隨之入
覲時栢心虞公耐庵趙公方入秘書輿取地要覽
寰宇記等書無攷在訂纂集大一統志廣記備言
而遐陬僻壤容有不能盡知者于是宜撫僉事東
山黎君蚤從彰憲侯率眾內附忠勤艱苦有功多
矣晚歲自號靜樂為閑居漢陽編安南志紀其山
川四方民物風俗卅縣官制之沿革歷代之興廢
極為詳備耐庵序中稱其有補于職方氏之缺典